

## Transkription von Urkunde SWN 1331c

Ort, Datierung: Schwerin, 1331-02-06

Signatur: Landeshauptarchiv Schwerin, Rep. 1, Gutsurkunden, Cambs 1a

Inhalt: Albern Bonsake: Schiedsspruch

Bemerkung: Vergleiche Urkunde SWN\_1331d als Ausfertigung für den Vertragspartner

Wi albern bonsake vnd hartewich ramekendorp beken[*nen in du*]sser scrift , dat vse Edele here greue hinrik van zwerin heft / ene ganzse sone deg(e)dinghet tvschen vs . vnd vsen ernamen vnde vrönden , af en sit vnde h(er)n georrius . Iohan . vnd goschalke . / pren , vnd eren ernamen . vnde vrönden , af ander sit , vm de scelinghe . de wi mit en hadden , vm de neghen houe vnd en verden/del de wi coft hebben van h(er)n georrius van Iohan vnd goschalke . vnd eren ernamen . de ligget to camptze , also hir na screuen / steýt , Dat wi . vnd . vs ernamen . De neghen houe vnd en v(er)dendel vnbeworen . beholden vnd hebben scolten mit holte mit wat(er)e , / mit weýde , mit aller Nut vnde vröcht , mit richte , mit rechte to man rechte , also her georrius . vnde Iohan vnd goschalk , vnd / er ernamen(n) se hadden<sup>1</sup> , ok scal her georrius . Iohan vnde goschalk , vnd er ernamen , vs . vnd vse ernamen . vnde vrönt , van , / sculden vnde broke nemen , van vsen Edelen heren greuen hinrike vnd Juncheren clawsse , vnd se vs to vrönde maken , vm Dat / ramekendorp . vnde gert bonsak , h(er)n georrius vnde sine vrönt . in erme lande venghen , vnde se vt erme lande vörden Tus/chen hir vnde paschen , Ok vm dat her georrius . Iohan vnde goschalk . vt vsme gode nemen . vnd nemen leten . to vn rech/te , dar scolt se vs vm don Tuschen hir vnde mit vasten . wat her nigenk(er)ken se hed don , vppe desse ding de hir vore scre/uen stat hebbe wj louet . vnd louen mit vsen vrönden ghert , vnd albern bonsak , hinrik bonsak , ghert bonsak , / ludeke barwýc , hinrik bursowe , conrad bonsak , ghert bonsak , vnde dideric bonsak , vnd tröwen . hern georrius / Iohan vnd goschalk pren vnd eren ernamen vnde vrönden , vor ene ganzse sone Des sint vs ingheseghele / to dessem breue henget .Desse bref is ghe gheuen na godes bort dusentiar drehundertiar , in deme en/vnddrutichsten iare Des mitwekens na lychmissen

---

<sup>1</sup> Verdoppelung des d über der Zeile durch Einfügungszeichen